

Broj: 440/08

Sarajevo, 16.12.2008. godine

ZAPISNIK I ZAKLJUČCI
SA DVANAESTE SJEDNICE PREDSJEDNIŠTVA
SAVEZA OPĆINA I GRADOVA F BiH

U Sarajevu je dana **16.12.2008.** godine održana **Dvanaesta sjednica Predsjedništva Saveza općina i gradova Federacije Bosne i Hercegovine** (u daljem tekstu: Savez).

Sjednici Predsjedništva Saveza prisustvovalo je **10** članova, i to:

1. **Ljubo Bešlić**, Gradonačelnik, Grad Mostar, Predsjednik Predsjedništva Saveza,
2. **Mersad Šahinović**, načelnik, Općina Bužim,
3. **Muhamed Ramović**, načelnik, Općina Goražde,
4. **Amer Čenanović**, načelnik Općine Ilidža,
5. **Rasim Omerović**, načelnik, Općina Kalesija,
6. **Emir Bubalo**, načelnik, Općine Konjic,
7. **Đuro Topić**, načelnik, Općina Orašje,
8. **Vlado Alilović**, načelnik, Općine Vitez,
9. **Hakija Osmić**, načelnik, Općina Zavidovići, i
10. **Dragana Solaković**, stručni savjetnik, Grad Sarajevo (po ovlaštenju Gradonačelnice **Semihe Borovac**),

Pored gore navedenih, sjednici su prisustvovali i: **g-din Ferhat Mustafić**, Predsjedavajući Skupštine Saveza, **g-din Salem Dedić**, načelnik, Općina Jablanica, **gđa Anka Dodik-Papak**, načelnica, Općina Drvar, **g-din Zdravko Prka**, **g-din Fadil Imširović**, načelnik, Općina Gradačac, **g-din Hajrudin Katardžić**, član Komisije za ustavna i zakonodavna pitanja Saveza, **g-din Predrag Šupljeglav**, predsjedavajući Komisije za ustavna i zakonodavna pitanja Saveza, **gđa Vesna Travljanin**, Sekretar Saveza, **gđa Zlata Turkić**, saradnik za rad sa komisijama i institucijama vlasti, **g-đica Elvira Imširović**, viši saradnik za pravna pitanja, **g-din Edin Demirović**, saradnik za lokalnu samoupravu, **gđa Brankica Bašić**, saradnik za administrativno finasijske poslove, i **g-đica Šejla Hasić**, viši saradnik za projekte.

G-din Alilović pozdravlja prisutne, utvrđuje kvorum, otvara sjednicu Predsjedništva uz ispriku za g-dina Bešlića koji će malo kasniti, te stavlja Dnevni red na glasanje.

Dnevni red je jednoglasno usvojen.

1. Zapisnik i zaključci sa Jedanaeste sjednice Predsjedništva Skupštine Saveza općina i gradova Federacije BiH

G-din Alilović otvara prvu tačku Dnevnog reda. Nakon konstatovanja nekoliko članova Predsjedništva da Dnevni red nije proslijeđen u materijalima za sjednicu odlučeno je da se uzme 10 minuta pauze da se pročitaju Zapisnik i zaključci sa predhodne sjednice Predsjedništva.

Zapisnik i zaključci sa Jedanaeste sjednice Predsjedništva Saveza su jednoglasno usvojeni.

Razmatranje nacrtu dokumenata za sjednicu Skupštine Saveza:

2. Odluka o izmjenama i dopunama Statuta Saveza općina i gradova Federacije BiH

G-din Alilović daje riječ g-dinu Predragu Šupljeglavu kao izvjestioca ispred Radne grupe zadužene za pripremu materijala za Skupštinu Saveza.

G-din Šupljeglav pozdravlja prisutne i daje kratki uvod za Nacrt Statuta Saveza ispred Radne grupe. G-din Šupljeglav naglašava da je za predhodnu Skupštinu održanu u Gradačcu napravljen i usvojen Statut čiji je cilj bio da premosti tadašnje probleme. Cilj sadašnjeg Nacrta Statuta je da se po usvajanju koristi jedan duži period vremena. Kako su članovi Predsjedništva već primili Nacrt Statuta u materijalima za sjednicu, g-din Šupljeglav naglašava tri bitne činjenice. Izmjena člana 24. Statuta Saveza koji se odnosi na sastav i način izbora članova Predsjedništva, izmjene organa koji usvaja budžet, te izmjena naziva Sekretara Saveza u Direktora Saveza kao i da je ista funkcija profesionalna a ne mandatna. Obrazloženje Radne grupe za izmjenu člana 24. Statuta Saveza je da bi veći sastav Predsjedništva omogućio još kvalitetniji rad. Naime 10 članova Predsjedništva bi se biralo na isti način kako je to određeno u sadašnjem Statutu a Predsjedništvo bi biralo Predsjednika Saveza, zamjenika i još tri člana na osnovu prijedloga iz općina. Ako se nacrt Statuta ovdje usvoji, Stručna služba Saveza će ga dostaviti u javnu raspravu općinama u trajanju od 30 dana.

G-din Omerović konstatuje da bi to značilo da Predsjedništvo bira jednu trećinu svojih članova te se ne može složiti s tim prijedlogom. Konstatuje da nije protiv povećanja broja članova Predsjedništva ali da se razradi metoda biranja te kriteriji kako svi dodatni članovi ne bi bili iz istog kantona.

G-din Bešlić se izvinjava za kašnjenje. Pozdravlja sve prisutne a posebno novoizabrane načelnike. Konstatuje da je Savez institucija koja se u posljednjih nekoliko godina digla na noge koja štiti interese jedinica lokalne samouprave. Dosadašnji rad Predsjedništva je dobar i kvalitetan. Treba obratiti pažnju ne samo na veličinu kantona nego i na zastupljenost svih pa čak i političku zastupljenost. Niko ne bi trebao da se osjeća manje važnim. Predsjedništvo bi svakako moralo obrazložiti svoj izbor Skupštini.

G-din Bubalo smatra da Predsjedništvo ne bi trebalo birati dodatne članove.

G-din Topić se slaže sa g-dinom Omerovićem, ali predlaže da stalni članovi budu Sarajevo i Mostar.

G-din Imširović konstatuje da mu nije jasno kako bi se birali članovi Predsjedništva, te mu g-din Šupljeglav objašnjava.

G-din Čenanović smatra da bi promjena poremetila sadašnji princip biranja koji smatra dobrim, te predlaže da se član 24. ne mijenja.

G-din Prka smatra da ne bi bilo uredu da sadašnji sastav Predsjedništva stavlja novo predvršen čin. Misli da je to nešto što bi trebalo da se uradi u slijedećem sazivu.

G-din Omerović smatra da se Predsjedništvo opet vrti u krug oko ove teme. Slaže se da se član 24. ostavi za novi saziv Predsjedništva.

G-din Bešlić predlaže da se usvoji zaključak da se član 24. ne mijenja a da ostali prijedlozi u nacrtu Statuta Saveza šalju u javnu raspravu. Ako bi neka općina imala prijedloge za dodatne izmjene Statuta, da se za vrijeme rasprave dostavi Stručnoj službi Saveza a da se na skupštini djeluje amandmanski.

G-din Mustafić smatra da bi se četiri velika grada, Sarajevo, Mostar, Tuzla i Zenica trebali uključiti u rad Predsjedništva, kako bi rad bi bio legalniji i legitimniji.

Predsjedništvo je jednoglasno usvojilo odluku da se Nacrt Statuta bez izmjene člana 24. uputi u javnu raspravu općinama, te da se na dodatne izmjene djeluje amandmanski tokom Skupštine Saveza općina i gradova F BiH.

3. Poslovnik o radu Skupštine Saveza općina i gradova Federacije BiH

G-din Šupljeglav konstatuje da je Poslovnik o radu Skupštine bio također privremeno riješenje, te da je Radna grupa isti preradila i prilagodila aktima Saveza.

Nacrt Poslovnika o radu Skupštine Saveza općina i gradova Federacije BiH je jednoglasno usvojen.

4. Odluka o izmjenama i dopunama Odluke o nadležnostima, načinu rada i sastavu skupštinskih komisija Saveza

G-din Šupljeglav konstatuje da je ova Odluka potrebna kako bi se postojeća Odluka prilagodila Statutu. Radna grupa za pripremu materijala za Skupštinu je mišljenja da su neke komisije preširoke u nadležnostima, te je potrebno da se kreira više Komisija. Radna grupa je iznašla dva moguća rješenja te traži smjernice od Predsjedništva. Pored podjele komisija postoji i opcija da se u sklopu Komisija oforme radne grupe koje bi bile zadužene za specifične oblasti.

G-din Prka smatra da je podjela na Radne grupe unutar Komisija dovoljna.

G-din Čenanović predlaže da se podrži ovaj prijedlog.

Prijedlog da Komisije oforme radne grupe u okviru svojih nadležnosti jednoglasno je usvojen.

Razrješenja:

5. Odluka o razrješenju predsjedavajućeg Skupštine i zamjenika predsjedavajućeg Skupštine Saveza općina i gradova Federacije Bosne i Hercegovine.
6. Odluka o razrješenju predsjednika, zamjenika predsjednika i članova Predsjedništva Skupštine Saveza općina i gradova Federacije Bosne i Hercegovine
7. Odluka o razrješenju predsjednika i članova Nadzornog odbora Saveza općina i gradova Federacije Bosne i Hercegovine
8. Odluka o razrješenju osoba ovlaštenih za zastupanje i predstavljanje Saveza općina i gradova Federacije Bosne i Hercegovine
9. Odluka o razrješenju predsjednika, zamjenika predsjednika i članova Komisije za razvoj i unapređenje lokalne samouprave
10. Odluka o razrješenju predsjednika, zamjenika predsjednika i članova Komisije za ustavna i zakonodavna pitanja
11. Odluka o razrješenju predsjednika, zamjenika predsjednika i članova Komisije za prostorno uređenje, stambeno-komunalne djelatnosti i zaštitu životnog okoliša
12. Odluka o razrješenju predsjednika, zamjenika predsjednika i članova Komisije za međunarodne veze i saradnju
13. Odluka o razrješenju predsjednika, zamjenika predsjednika i članova Komisije za ekonomski razvoj općina i gradova
14. Odluka o razrješenju članova Komisije za izbor i imenovanja

Sva Nacrti odluka o razrješenjima su jednoglasno usvojeni.

G-din Bešlić predlaže da se uputi pismo općinama da se organizuju i odluče gdje će se održati njihovi kantonalni sastanci. Predlaže da se zaduže članovi Predsjedništva da organizuju ove sastanke i dostave prijedloge iz svojih respektivnih kantona.

Prijedlog je jednoglasno usvojen.

Imenovanja:

15. Odluka o izboru predsjedavajućeg Skupštine i zamjenika predsjedavajućeg Skupštine Saveza općina i gradova Federacije Bosne i Hercegovine
16. Odluka o izboru predsjednika, zamjenika predsjednika i članova Predsjedništva Skupštine Saveza općina i gradova Federacije Bosne i Hercegovine
17. Odluka o izboru predsjednika i članova Nadzornog odbora Saveza općina i gradova Federacije Bosne i Hercegovine
18. Odluka o imenovanju osoba ovlaštenih za zastupanje i predstavljanje Saveza općina i gradova Federacije Bosne i Hercegovine
19. Odluka o obrazovanju Komisije za razvoj i unapređenje lokalne samouprave
20. Odluka o obrazovanju Komisije za ustavna i zakonodavna pitanja
21. Odluka o obrazovanju Komisije za prostorno uređenje, stambeno-komunalne djelatnosti i zaštitu životnog okoliša
22. Odluka o obrazovanju Komisije za međunarodne veze i saradnju
23. Odluka o obrazovanju Komisije za ekonomski razvoj općina i gradova

Svi nacrti Nacrti odluka o imenovanjima su jednoglasno uvojeni.

24. Informacije:**a) Sastanak Fiskalnog koordinacionog tijela Federacije BiH**

Izjavitelj: Ljubo Bešlić, predsjednik Predsjedništva Skupštine Saveza

G-din Bešlić izvještava o sastanku sa Premijerom, ministrom finansija i svim kantonalnim ministarstvima na kojem se govorilo o budžetu u 2009. godini. Naime bitno je naglasiti da neće doći do povećanja stavke iz bruto iznosa plata. Nema povećanja troškova. To su najbitnije stvari.

Izvještaj je jednoglasno usvojen.

b) Zakon o koncesijama

Izjavitelj: Ismet Velić, konsultant GAP – Projekta upravne odgovornosti

G-din Bešlić konstatuje da je prijedlog Zakona u parlamentarnoj proceduri. Izvještava da je Savez dao svoje primjedbe. Savez je učinio sve da se čuje glas općina. Savez treba nastaviti lobiranje kod parlamentaraca. Treba postaviti pitanje saglasnosti oko odluke o koncesiji. Stav jedinica lokalne samouprave je da bez saglasnosti općina Savez neće podržati Zakon. G-din Bešlić daje riječ g-dinu Veliću da detaljnije izvjesti članove Predsjedništva o Zakonu o koncesijama.

G-din Velić pozdravlja prisutne i ukratko se osvrće na problematiku te prijedloge za izmjene i dopune. Ključna pitanja su razmatrana i od strane Saveza i od strane Komisije za ekonomski razvoj, te su također razmatrana i van Saveza. Važno je da je i u izmjene Zakona ušlo zastupanje interesa i uloge općina u dodjeli koncesije. Nadležni za koncesije ne mogu mimo općina dodjeliti koncesije. Obavezno je davanje saglasnosti. Također su ugrađene odredbe o samom praćenju koncesije što bi dodatno ojačalo ulogu jedinica lokalne samouprave. Još uvijek postoji mogućnost da Predsjedništvo delegira dodatne stavove i pitanja.

G-din Bešlić zahvaljuje g-dinu Veliću te konstatuje da je Savez ostavio jak dojam na parlamentarce, te da Savez mora lobistički djelovati u narednom periodu.

G-din Prka konstatuje kako dodjela koncesija sada nije na profesionalnom nivou. Općinama se otima njihovo te se to mora promijeniti. Radi se o prihodima od kojih općine funkcionišu, te naglašava da i Zakon o stvarnim pravima mora biti usvojen.

G-din Šahinović konstatuje da i Zakon o rudarstvu i geodeziji je problem jer nije donesen, te se mora vezati na ovaj Zakon.

Gđa Imširović-Bolić konstatuje da je nacrt Zakona usvojen u oba doma Parlamenta F BiH te da je sada u formi Prijedloga. Naši prijedlozi i sugestije su uvaženi, te su predstavnici Saveza imali sastanak sa Komisijom za koncesije. U Domu naroda postoji raspoloženje da se uvrste prijedlozi Saveza, te da se koncesija ne može dodijeliti bez saglasnosti općine.

Gđa Turkić izvještava da je Komisija za koncesije donijela zaključak i izrazila spremnost da se u Komisiju uključi i predstavnik Saveza te je na Predsjedništvu da imenuje predstavnika.

G-din Bešlić predlaže da to bude g-din Bubalo.

Jednoglasno je usvojena odluka da se g-din Bubalo imenuje predstavnikom Saveza u Komisiji za koncesije.

c) **Zakon o trezoru Federacije Bosne i Hercegovine**

Izjavitelj: Elvira Imširović-Bolić, viši saradnik za pravna pitanja
Predsjedništvo jednoglasno usvaja informaciju o Inicijativi za izmjenu Zakona o budžetima.

25. Tekuća pitanja

- Jednoglasno je usvojeno da se slijedeća sjednica Predsjedništva pred Skupštinu održi u Gradu Mostaru.
- G-din Čenanović predlaže da se za slijedeći Dnevni red uključi tačka i informacija o platama državnih službenika i namještenika kako je to uređeno Općim kolektivnim ugovorom.

Predsjednik Predsjedništva
Ljubo Bešlić, s.r.

Zapisničar
Šejla Hasić, s.r.